

Na osnovu člana 8. i 26. Zakona o javnim preduzećima („Službene novine FBiH“, broj: 8/05,81/08, 22/09 i 109/12) i člana 18. tačka 4. Statuta JKP "Radnik" d.o.o. Zavidovići broj: SP-29/15 (Prečišćen tekst), SP-13/16, SP-1/20, SP-17/20, SP-15/24 i SP-29/25 i Odluke Nadzornog odbora broj: NO-18/25 od 03.06.2025. godine, Nadzorni odbor Javnog komunalnog preduzeća „Radnik“ d.o.o. Zavidovići raspisuje:

JAVNI KONKURS

za izbor i predlaganje članova Odbora za reviziju
JKP „Radnik“ d.o.o. Zavidovići

I

Raspisuje se javni konkurs za izbor i predlaganje predsjednika i dva člana Odbora za reviziju Javnog komunalnog preduzeća „Radnik“ d.o.o. Zavidovići (u daljem tekstu: Preduzeće).

II

Imenovanje kandidata za članove Odbora za reviziju vrši Skupština Preduzeća, na osnovu objavljenog javnog konkursa u skladu sa uslovima utvrđenim zakonskim, podzakonskim aktima i Statutom Preduzeća, te na osnovu konačnog prijedloga kandidata koji utvrđuje Nadzorni odbor Preduzeća, a sve u skladu sa zakonom i Statutom Preduzeća.

III

OPIS POSLOVA

Odbor za reviziju ima obavezu i odgovornost:

- a) imenovati vanjskog revizora;
- b) imenovati direktora Odjela za internu reviziju na osnovu javnog konkursa za izbor tehnički najbolje kvalifikovanog kandidata, ukoliko Ured za reviziju institucija u Federaciji Bosne i Hercegovine nije upoznao javno preduzeće sa svojom namjerom da izvrši imenovanje u roku od 30 dana od dana kada je generalni revizor obaviješten u skladu sa članom 27. stav 5. ovog Zakona;
- c) razmotriti godišnju strategiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- d) razmotriti navedenu strategiju rizika i plan revizije i postići sporazum sa generalnim revizorom po pitanju obrade, isključivo u slučaju kada je generalni revizor imenovao direktora Odjela za internu reviziju javnog preduzeća;
- e) osigurati da Odjel za internu reviziju izvrši svoj posao u skladu sa planom revizije;
- f) osigurati da interne kontrole u javnom preduzeću budu adekvatne i da funkcioniraju kako je predviđeno;
- g) podnositi Nadzornom odboru sažete mjesečne izvještaje o svojim sastancima svakog mjeseca;

- h) konsultovati se sa generalnim revizorom u pogledu nezavisne revizorske organizacije ili strukovne stručne grupe koja vrši stručno unutrašnje strukovno ocjenjivanje Odjela za internu reviziju svake dvije do tri godine;
- i) osigurati da Odjel za internu reviziju obavlja svoje obaveze u skladu sa međunarodnim revizijskim standardima;
- j) izvršiti reviziju godišnjeg izvještaja o poslovanju i finansijskog obračuna i o tom sačiniti izvještaj;
- k) pratiti obim i rezultate vanjske revizije i istu usmjeravati;
- l) ukazati na rizike koji bi eventualno mogli uticati na uspješnost poslovanja preduzeća;
- lj) pratiti poštivanje standarda upravljanja preduzećem i o svojim zapažanjima obavještava Upravu, a po potrebi i Nadzorni odbor;
- m) predlagati mjere u cilju smanjivanja finansijskih i drugih rizika i
- n) druge poslove u skladu sa zakonom i Statutom preduzeća.

IV

Mandat predsjednika i članova Odbora za reviziju traje 4 (četiri) godine od dana imenovanja od strane Skupštine Preduzeća.

Sa imenovanim članovima Odbora za reviziju, na osnovu Odluke Skupštine Preduzeća zaključuje se ugovor kojim se regulišu ovlaštenja, odgovornosti i visina naknade koja se isplaćuje iz sredstava Preduzeća.

V

OPĆI USLOVI

Kandidati trebaju ispunjavati sljedeće opće uslove:

1. da je državljanin Bosne i Hercegovine;
2. da je stariji od 18 godina;
3. da nije otpušten iz državne službe kao rezultat disciplinske mjere na bilo kojem nivou u BiH, u periodu od 3 (tri) godine prije dana objavljivanja upražnjene pozicije;
4. da se na njega ne odnosi član IX.I. Ustava BiH;
5. da nije osuđivan za krivično djelo i privredni prijestup nespojiv sa dužnošću u Odboru za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije; niti se protiv njega vodi krivični postupak;
6. da mu pravosnažnom sudskom presudom nije zabranjeno obavljanje dužnosti u nadležnosti Odbora za reviziju;
7. da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH;
8. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH;
9. da nije član Nadzornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću.

POSEBNI USLOVI

VI

Kandidati trebaju ispunjavati sljedeće posebne uslove:

1. da ima završenu visoku stručnu spremu - VSS stručnu spremu ekonomskog ili pravnog smjera;

2. da ima najmanje pet godina radnog iskustva u struci i spremi;
3. najmanje jedan član Odbora za reviziju mora biti iz reda ovlaštenih revizora.

Prilikom procjene kvalifikacija i iskustva kandidata uzet će se u obzir i sljedeće:

- sposobnost prepoznavanja, zastupanja i zaštite interesa privrednog društva; sposobnost za odgovorno obavljanje dužnosti člana Odbora za reviziju;
- izražena inicijativnost i neovisnost u radu i donošenju odluka;
- znanje i sposobnost razumijevanja finansijskih i poslovnih izvještaja;
- poznavanje ukupnog zakonodavstva na području djelovanja Odbora za reviziju i privrednog prava;
- sposobnost upravljanja finansijama i ljudskim resursima;
- posjedovanje certifikata za certificiranog računovođu i ovlaštenog revizora;
- komunikacijske i organizacijske sposobnosti;
- rezultati rada ostvareni tokom dosadašnjeg rada.

VII

Kandidati su dužni uz potpisanu prijavu koja sadrži kraću biografiju, adresu i kontakt telefon kao i oznaku pozicije u Odboru za reviziju javnog preduzeća na koju se kandidira, priložiti originalne dokumente ili ovjerene kopije dokumenata koje ne smiju biti starije od 3 (tri) mjeseca, a koji su dokaz o ispunjavanju općih i posebnih uslova traženih javnim konkursom i to:

1. Uvjerjenje o državljanstvu;
2. Izvod iz matične knjige rođenih;
3. Ovjerena izjava da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu 3 (tri) godine prije dana objavljivanja upražnjene pozicije;
4. Ovjerena izjava da se na njega ne odnosi član IX.I. Ustava Bosne i Hercegovine;
5. Ovjerena izjava da nije osuđivan za krivično djelo i privredni prijestup nespojiv sa dužnošću člana Odbora za reviziju, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije, niti se protiv njega vodi krivični postupak;
6. Ovjerena izjava da nije lice kojem je presudom suda zabranjeno obavljanje dužnosti u nadležnosti Odbora za reviziju;
7. Ovjerena izjava da nije u sukobu interesa prema odredbama Zakona o sukobu interesa u institucijama vlasti BiH i Zakona o sukobu interesa u organima vlasti u FBiH;
8. Ovjerena izjava da ne vrši funkciju u političkoj stranci stranci u smislu člana 5. Zakona o ministarskim, vladinim i drugim imenovanjima FBiH;
9. Ovjerena izjava da nije član Nazornog odbora ili Uprave Preduzeća, radnik Preduzeća, niti da ima direktni ili indirektni finansijski interes u Preduzeću;
10. Diploma o završenoj visokoj stručnoj spremi;
11. Uvjerjenje/potvrda o radnom iskustvu u struci nakon završene visoke stručne spreme u trajanju od najmanje 5 (pet) godina;
12. Dokaz o posjedovanju certifikata ovlaštenog revizora ukoliko isti posjeduje (najmanje jedan član Odbora za reviziju je obavezan posjedovati certifikat o čemu će se voditi računa prilikom izbora kandidata).

Pored navedene dokumentacije, kandidat koji bude izabran je obavezan prije stupanja na dužnost dostaviti uvjerenja za redne brojeve 5. i 6. iz tačke V ovog Javnog konkursa.

VIII

Sa svim kandidatima koji ispunjavaju opće i posebne uslove iz javnog konkursa i koji blagovremeno dostave svu dokumentaciju kako je traženo javnim konkursom, obaviti će se intervju, o čijem vremenu i mjestu održavanja će biti pismeno obaviješteni.

IX

Integralni tekst javnog konkursa će biti objavljen na web stranici JKP „Radnik“ d.o.o. Zavidovići, web stranici osnivača – Grad Zavidovići i web stranici JU „Služba za zapošljavanje Zeničko dobojskog kantona“, a sažetak teksta javnog konkursa će biti objavljen u Službenim novinama Federacije Bosne i Hercegovine i dnevnom listu „Oslobođenje“.

X

Rok za podnošenje prijave kandidata je 15 (petnaest) dana od dana posljednje objave.


XI

Neblagovremene i nepotpune prijave se neće uzimati u razmatranje.

XII

Prijava sa dokumentacijom, koja se neće vraćati kandidatima, dostavlja se lično ili preporučenom poštom, na adresu: Javno komunalno preduzeće “Radnik” d.o.o. Zavidovići, ulica Podubravlje broj: 3, 72220 Zavidovići, sa naznakom: „Prijava na javni konkurs za izbor i predlaganje članova Odbora za reviziju Javnog komunalnog preduzeća “Radnik” d.o.o. Zavidovići – NE OTVARATI“.

- NADZORNI ODBOR -
JKP „Radnik“ d.o.o. Zavidovići
Broj: NO-18-2/25
Dana: 03.06.2025. godine

PREDSJEDNIK
NADZORNOG ODBORA
JKP „Radnik“ d.o.o. Zavidovići

Meliha Šabić Kalabić, mr. oec.

Obradila: Emela Muhić Mujanović, dipl.pravnik